

D E
FURORE UTERINO,
 S E U
DE METROMANIA,
TENTAMEN MEDICUM,
 Q U O D

In Augustissimo Ludovico Medico Monspeliensi,
 Deo duce & auspice Dei-parâ tueri conabitur
 FRANCISCUS BOUIN DE BEAUPRÉ, Ruffiacensis,
 apud Pictones, Artium Liberalium Magister, &
 jamdudum Medicinæ alumnus, die mensis
 Novembris, anni 1773.

Pro Baccalaureatus gradu consequendo.

Otia si tollas, periire cupidinis arcus
 Extinctæque jacent, & sine luce faces.
Ut ait Poëta



MONSPELII;

Apud AUGUSTINUM - FRANCISCUM ROCHARD, Regis & Universitatis
 Medicinæ, Typographum unicum.

M. DCC. LXXIII.

THE UNIVERSITY OF CHICAGO

LIBRARY

1891

THE UNIVERSITY OF CHICAGO
LIBRARY
1891

THE UNIVERSITY OF CHICAGO
LIBRARY
1891

THE UNIVERSITY OF CHICAGO
LIBRARY
1891

THE UNIVERSITY OF CHICAGO
LIBRARY
1891

debilitatem, quæ magnam in venere sobrietatem postulat, five propter conceptum in mulierem fastidium, debitis conjugis officiis obsequi nequit aut non vult. Sunt & aliæ quamplurimæ causæ quæ virorum gloriam vindicando facillime excogitari possunt, nempe cum temperamento validiori donantur mulieres, & infatiabili coeundi cupidine flagrant, quo viri etiam strenuissimi, robore corporis admodum florentes, & notæ circa opus fortitudinis, tandem ad venerem maxime proclives, & proni, brevissime defatigarentur. Aliis hic contigit affectus post congressum cum viris, qui ad venerem augendam, & voluptatem foeminis conciliandam, membrum virile, moscho, & aliis calidioribus inunxerant.

Meretrices quandoque nec immerito quidem invadit nam assuetæ libidinibus etiam turpissimis, criminis necessitatem contraxerunt.

Proclivitas ad hoc morbi genus, adaugetur vita otiosa, delitiis, voluptalibus dedita, lectione continua miselliarum fabularum quæ sub principio teneros, sub fine vero lascivos edocent amores, eo crudelius urgentur istæ mulieres, & eo certius ad perniciem ruunt, quo magis lubrica in animo volvunt, & de his cum sodalibus colloquuntur, cantibus tandem illicitis quotidie accenduntur ignes quibus devorantur.

Non parum conferunt ad incendium, vigiliæ, titillatio clitoridis, & vulvæ, qua nedum libidini satisfiant, eo magis accenditur, & exacerbatur ut plurimum, sunt & alia irritantia, nempe liquores, & vini generosiores, qui nimia assumpti copia spiritu partes extra totum efferunt, & irritabilitatem adaugent in toto systemate nerveo quæ magis sensibilis evadit in partibus genitalibus naturali irritabilitate & sensibilitate prædictis, quod non solum probabile, sed etiam œconomix animalis legibus sat consonans apparet.

Quæ quidem omnia licet sat horrenda, ut eorum auditu, quilibet tam deploranda forte certe commoveatur, nondum tamen ad secundum gradum quem delirium melancholicum vocamus, pervenit.

Hic, abjecta omni verecundia, nuda venus, nudaque incantamenta ejus apparent, transeuntes notos ignotos ve ad veneris certamina provocant, & furibundæ insiliunt in reluctantes qui ni forti sint animo, tum illecebris, tum periculi vitandi causâ, cedere coguntur.

Tunc enim temporis, nil boni malive agnoscunt. In libidine explenda omnia ponunt, & vident, certæ pernitiei ne cogitantes quidem, oblitæ famæ, sexûs, continentix immemores, nulla religionis jamdudum habitâ ratione, parentum lachrimas, preces & minas iridentes, omnibus tandem honestis in sensibiles omnino fiunt.

Nec fac est; nam quilibet occurrens, etsi difformis, cupidinis fit subjectum, & si quid dulci jucundi ve proferatur ab illo, blandâ

spondent voce, & gestu libidinem exprimunt. Omnia ad complexum provocant in se, tum oculi, tum precaces vultus nudaque pectora, ultro se exhibentes papillæ cupiditatis flammæ in omnibus ardorem concitare existimant.

Hucusque tamen morbus quantumlibet gravis intra delirii fines se continet, sed brevi in opertam maniam erumpit, tunc lascivo veneno flammata libido urget, æstuant, spumant, nec dictis & factis pascunt, exagitantque furia, & quidquid turpius & audacius excogitat libido, quidquid violentius, & inauditum invenit ira, ad hæc omnia virili animo se paratas præbent. Omnibus tandem animi motibus adeo facile obsequuntur, ut parentes tum honori tum securitati suæ & publicæ consulentes, eas dimovere, & abscondi jubere coguntur. Adeo laborant hoc affectu ut *Plutarchus* refert de Virginibus eas coacervatim se se suspendisse, nec potuisse, monitis, precibus, aut nulla vi impediri.

CAPUT SECUNDUM.

Cuilibet attentè consideranti, hoc morbi genus, primo intuitu occurreret ei duobus diversis morbis præbere originem, delirio melancholico incipit, cujus in uteri vitio reperitur causa, dein mutatur in delirium maniacum quod simul in læsione cerebri principium habet, ex his duobus una concurrentibus, nascitur nymphomania, si unus tantum morbus adsit, id est uteri nimia caliditas, insatiabilis tunc coeundi cupido aderit, remoto omni desiderio; si duo concurrant, invadent melancholia meditata, aut mania tandem occupabit, quod sequenti ordine delucidare opus est.

1^o. De effrænata veneris cupiditate. 2^o. De eadem delirio melancholico conjuncta. 3^o. Tandem cum in maniam erumpit.

Producitur immodicus ille coeundi appetitus, à seminis copia, acrimonia, & fervore, naturæ leges excedente, quæ in vasis genitalibus immoderate turgens, genitalia vehementer excitat ad veneris appetitum, eaque vetuti inflammat; plurima enumerantur in fæminis organa, quæ præbent voluptati veneris sedem, clitoris 1^o. Quæ omnium unanimi consensu, exquisitissimo prædita sensu, dulcissima in coïtu sensatione afficitur, ideo amoris dulcedo nuncupatur. Tota vaginæ amplitudo, & maximè ea pars quæ ad vulvam connectitur, ipsiusmet uteri facies interna, quæ sensibilitate maxima donata ad voluptatem alias quaque partes stimulat, veluti sensationes quæ in ventriculo siti & fame experiuntur, alia quæque organa ad has sensationes provocant.

Nec omitti debent organa quæ in mulieribus secretioni seminis destinata sunt, quæ & ipsa in consortium voluptatis veniunt. Quæ sunt:



D. D.

FRANCISCO BOUIN DE BEAUPRÉ,

AVUNCULO SUO,

ANTIQUO COPIARUM DUCI,

NUNC IN ARCE REGIA INSULÆ MARTINICÆ

VICE-PRÆFECTO.

STUDIORUM SUORUM PRIMITIAS

D. V. C.

Humillimus obsequentissimus servus & nepos,

FRANCISCUS BOUIN DE BEAUPRÉ.

DE FURORE UTERINO.

Quamquam mihi arduum legitimam Furoris Uterini definitionem dare videatur, ob hujusce morbi complicationem, status diversos qui tot, ut ita dicam, definitiones exacte loquendo pati possunt, aliunde quamquam sat parum mihi arrideant authorum definitiones, sequens tamen præstantior mihi apparuit; itaque Furor Uterinus definiri potest insatiabilis coeundi appetitus. Verum enim vero descriptio utpote utilior multo magis placuit, quæ etsi innumeris scateat difficultatibus mihi tamen post lectiones multum repetitas hæud insuperabilis videtur.

Subtilitati materiæ, insufficientiam meam noscens, multa si sint inconcinna, ut nullus dubito, subjecti difficultatem non arguens; nec in veniæ spe nimium cautus, mihi nescienti quid valeant humeri ferre, quid ve recusent tribui libentissime concedo, attamen ut improbus omnia vincit labor, animum erigo, alia fulcitus spe, clarioris nempe brevi hac de thesi lucis, post objectiones ex tam eximiis fontibus ortas, ut ad hanc doctrinam maxime elucidandam, magnopere conferre persuasum habeam.

Septem Capitibus absolvetur hoc tentamen in 1°. Narrabitur huiusce morbi historia generalis, in 2°. Causæ enumerabuntur, in 3°. De gradibus & symptomatibus, in 4°. De differentiis, in 5°. De diagnosi, in 6°. De prognosi, in 7°. Tandem curationem absolvemus quæ diversa erit pro variis huiusce morbi temporibus.

C A P U T P R I M U M.

Furor Uterinus seu Metromania, Græce sic nominata, à nonnullis recentioribus nymphomania, quasi dicas maniam clitoridis, cui olim nymphea nomen fuit, vel erotomania, hoc est mania amoris; sed à vocabulis istius modi abstinemus, quoniam non sunt communi usu recepta.

Itaque Furor Uterinus sedem habet (ex mercato) in partibus genitalibus mulierum, in his scilicet partibus quæ generationi seminis dicatæ sunt, testibus scilicet & vasis spermaticis ipsis annexis.

Religiosum de hoc morbo servasse silentium videntur antiqui non tamen propter pudorem ut opinatur vulgus, sed quia ut pote rarissima non sat optime cognoverunt; (etsi extiterit forsan) mores & religio temporum nedum ei faverent sicut & nunc, obstabant econtra.

Obnoxiae præprimis huic morbo sunt virgines alacriores, ut & nigricantes, sanguinem que non nihil adustum habentes, & ætate florente, constitutas (quas propter Aristoteles diligenter custodiendas monet) quæ viro jam maturæ, sive propter castitatem nimiam, vitamque nimis religiosam (quod quidem non frequentissime occurrit) sive propter conceptum amorem in amasium quem perditæ amant & quo potiri non datur, spe tamen non destitutæ diu noctuque in cogitatione & modis accelerandi, si fieri posset, tam exoptatæ possessionis felici momento, maxima cum voluptate & anxietate hærent, & meditabundæ absorbentur, fertur quasdam incidisse in hunc affectum ob haustum vini Hyppocratis in quo aliquid boracis erat dissolutum.

Nec nuptis etiam pascit, sed per accidens equidem, quippe vitio mariti hoc aliquando contigit qui sive propter obesi temperamenti

& foeminas libidinosas facit sine delirio & furore, quales fuerunt Semiramis Regina & Messalina quæ lassari quidem poterant venere sed non satiari. Si cui affectui est similis, satyriasis in viris est similis cum in eo partes in quibus veneris appetitus maxime residet, turgeant, intumescant, ut extra prominere videantur.

Differt tandem à suffocatione uteri, quia in hac mulieres manent attornitæ, sine motu & loquela, cum exigua respiratione, in furore vero uterino, garrulæ, iracundæ & inquietæ sunt suffocationem tamen furor consequitur, quando ex inextinguibili seminis appetitu provenit.

C A P U T Q U I N T U M.

De Diagnosti.

Diagnosis hujus affectus ex hisquæ dicta sunt facillime elici potest, sed quia sensim & per gradus apparere solet, illius progressus exponendus. In principio igitur dum adhuc mentis compotes sunt, mæstiores, & taciturniores evadunt, scilicet cum oculorum jactatione & lascivia & faciei rubore quæ per intervalla intenduntur. Præcipue vero rei venereæ factæ commemoratione, ad quam respiratio & pulsus immutantur per sympathiam cordis undè *Galenus* se ex pulsu cognovisse gloriatur furibundos mulierum amores, quod ejusmodi amantes varias subito mutationes in pulsu patiantur dum objecta illis expetita offeruntur, vel in memoriam revocantur. Post modum vero dum malum exacerbat, incipiunt rixari, lacrimari, ac sub inde in risum effundi, multa colloqui inconcinne & imprudenter ex quibus nil certi colligas, deindè resipiscunt, donec alter paroxysmus ex materiæ motu inordinato & sine ulla periodo redierit. Hoc furore percitæ mulieres viros ad coitum palam & coram omnibus invitant, rem veneream proprio & vernaculo nomine passim inculcantes, quamvis facilem diagnosis esse dixerim, primus tamen status difficultatibus implicatur, quarum maxima est ægrotantis pudor quæ causas hocce morbi genus producentes constanter tacere cogit, quarum cognitio ad certam morbi Diagnosis stabiliendam non parum conferre persuasum habeo.

C A P U T S E X T U M

De Prognosi.

Difficile curatur hic morbus, & eo difficilior quo magis inveteratus est, ideo ut certa elici possit Prognosis, considerandi sunt morbi status & gradus in 1^o sat facilis est curatio, in 2^o. difficilis, in 3^o. desperata, ut ita dicam; ægrotantes enim, sicuti mania, occidit, quia humores

depravat & corrumpit, tensionem inassuetam experiuntur nervi, qui quidem in tali statu, ægri vivere nequeunt. Obeunt tandem vitiis quam plurimis & perturbationibus in toto corpore excitatis ab utero, magna salutis spes affulget in primo statu, quando longiora incipiunt esse intervalla, aut quando corpus emaciatum restaurari incipit, & commemoratio rei veneræ coram illis factæ, eas non amplius ut antea multum afficit, quando copiosa menstruorum evacuatio incipit, sunt quæ in secundo gradu, narium, quandoque etiam hemorrhoidum fluxu immodico sanatæ fuerunt; aliæ tandem dulci somno, qui protractus fuerat aut evacuationibus, aut nimia invasionum perturbatione, cui feliciter succedebat, sic felici signo & prognosi sunt menstruorum apparitio, hemorrhagia, & diarrhea, quippe hæc evacuationes crifim salutarem afferre possunt.

C A P U T S E P T I M U M.

De Curatione.

Videndum primo quousque malum progressum sit, nam si adhuc in principio, & ratio nondum sit penitus corrupta, diligenter monendæ sunt virgines, ut suæ, imo totius familiæ famæ, atque honori, consulant neque tam turpiter se prostituant, precibus, (ex consilio Sennerti) & jejuniis veneris, illum stimulum doment, cum honestis & pudicis virginibus, & matronis, conversentur, turpia & obscæna, nec audiant, nec videant, nec legant, cum juvenibus non conversentur. Tutissimum quoque est tales virgines matrimonio honesto jungantur, cum melius sit nubere quam uri, & ut Augustinus ait, durissima sint prælia castitatis. Ubi quotidiana pugna, rarissima victoria.

Cum vero affectuum ea sæpè vis sit, ut monitis non satis domentur, at surdis plerumque narretur fabula, interdum etiam si matrimonium ineundi occasio non datur, aut à viris non sat potentibus ardor ille extinguere non possit, ut causa quæ ex seminis acrimonia, sanguinisque caliditate tollatur, danda est opera.

Titillationem clytoridis & vulvæ in paroxismo suadent autores, & si sanguis corpore abundet, calidiorque sit, evacuandus, & quidem non semel, sed sæpius si opus sit, cum sanguinis missione, & sanguinis massa, & totius habitus corporis, & uterus, simul refringerentur; & proinde vix præstantius remedium aliud ad hoc malum vincendum, quam sanguinis missis sit.

Si vero humores calidi & vitiosi, qui uteri, ac seminis, caliditatem fovere & augere possint, abundant, ii temperandi à lenioribus & convenientibus medicamentis evacuandi sunt, si tamen humores adusti adsint, & ad maniam malum declinare videatur, etiam fortiora quæ

1°. Prostata quæ in fæminis urethram ambit, & duobus ostiolis ad latera urethræ in partem vulvæ superiorem subter clytoridem secretum humorum ubertim profundit. 2°. Glandulæ couperianæ quæ in perinæo sitæ, vulvam inter & anum, juxta radices caruncularum mirtiformiorum duplici ductu patefcunt ad vaginæ orificium. Innumerae aliæ glandulæ quæ aut separatæ, aut unitæ, in vaginæ substantia, ubi semini sat analogus humor depluit. 4°. Lacunæ quam plurimæ quæ internam vaginæ faciem ambiunt, quæ sine patenti orificio limpidum humorem stillant, his omnibus quas nemo sanus in dubium revocabit concessis, manifeste sequitur organa apud mulieres multo vividius affici quam apud viros, & hoc propter rationes sequentes; quia propter delicatorem partium conformitatem, ut plurimum dispositio quædam innata reperitur, quæ ita succussiones intendit ut vividius excipiantur; hac ratione & aliis quas brevitatis causa omittimus, fortius impressiones organa percipiunt, & violentius ab illis afficiuntur, unde patet voluptatis sensationes multiplici gaudere stimulo, & illas succussiones de quibus mox dictum est, ad tres causas generales referri posse. Nempe 1°. Levi & voluptuosa organum titillatione. 2°. Vellicationibus per quam jucundis, quibus dulcissime stimulantur. 3°. Punctionibus ad voluntatem maxime provocantibus.

C A P U T T E R T I U M.

De gradibus, & postea de symptomatibus, sic se habent gradus. Dividitur in incipientem, confirmatam, & desperatam. In 1°. Sunt adhuc mentis compotes, insatiabili tamen coeundi cupidine flagrant. Sed maxima salutis spes affulget, si regimine temperato utantur, si insuper prudentis Medici monitis adhærere non recusaverint, si omnibus voluptatis illecebris resistere conentur, verum si quibuscumque animi desideriis obtemperare non desinant, si precipue temperamento calidiori donatæ sint, nec objecta morbum foventia caustissime vitent, si vitam mollem voluptatibus continuo dediram agant, si nedum humorum effervescentiam temperantia, imo & calefacientia & irritantia, sicuti vini & liquores nimio spiritu præditi, hauriant, si tandem sommo indulgere desinant, brevi sympathiâ, succussiones uteri ad cerebrum usque producentur. Et variis ordinationibus & motibus inordinatis rationem perturbabunt. Hic confirmatur morbus.

Occurrit alia divisio nempe ea quæ à seminis copiâ & acritate producitur. 2°. Quæ ex delicatiori partium uteri textura petitur, vitio nervorum partes organicas ambientium qui vividius afficiuntur, five prop-

ter tenuitatem. Sive tensionem, five propter utrumque quod in illis multo magis exquisitam sensibilitatem afficit.

Docente Baglivio, producitur mania oscillatione spasmodica fibrarum quæ ex centro oscillationes communicant. Quidquid sit, sophistica speculatione diutius immorari prorsus inutile videtur, aliunde hæc omnia aciei nostræ minime subjici posse arbitror.

Signa ex Roderico à Castro, prodit affectionem fæminarum garrulitas & quod instar furiarum agantur inquietæ, oculis sublimibus, & incompositis, pruriunt, ac manibus locos sæpissime fricant, quorum attactu insigniter delectantur, nihil quæ aliud imaginantur aut loquuntur quam de virorum consortio, de coïtu, de rebus lascivis & inhonestis, quæ etsi pudore fœmineo interdum celent, gaudent tamen iis auditis ac similibus, maxime si impudicus tactus occulte accedat.

Aliud symptomatum genus in 1^o. Statu. Tristes, meditabundæ fiunt, subito tantum juvenis aspectu commoventur, imminente menstruorum tempore, certo quodam pruritu in partibus genitalibus jucundissimè afficiuntur, vel potius stimulantur, paulatim in melancholiam incidunt, attamen virorum colloquium maxime placet, facillime ut jam dixi, blanditiis, obsequuntur, & quandoque illos antecedere non dubitant. Obscænis noctu exagitur imago ideo somno indulgere nequeunt. Mens perturbata illuditur omnibus quæ diu excogitatæ fuerunt.

Paucissimæ ex hoc statu virgines evadunt, & quædam sibimet adversæ nimis imperantes in delirium melancholicum incidunt; quædam desideriiis suis obtemperantes curatæ fuerunt, evacuatione salutari, tum uteri, tum annexarum partium, sed sunt quæ id auxilii genus averfantur, aliis impossibile; istis ignotum, (sed paucissimis equidem.)

Ingravescente Morbo, in maniam incidunt, tunc parum edunt; alvus piger fit, cutis marcescit, cavi fiunt oculi, solius viri aspectu ardent; sermonibusque turpissimis eos provocant. Cutis calor maximus, lingua arida & sicca invenitur, calore & frigore etsi intensissimis parum sensibiles.

C A P U T Q U A R T U M.

De Differentiis.

Differt 1^o. à salacitate, etsi enim fit magnus veneris appetitus, tamen nullum adest delirium, & fæminæ salaces intra honestatis & rationis limites se continent & si quid peccant, saltem occulte id faciunt, in præsentia vero aliorum appetitum illum venereum celant. Differt 2^o. à pruritu uteri, pruritus enim iste in senioribus etiam omnibus sine libidine & veneris appetitu esse potest, si fit in pudendis non eo loco qui veneris appetitus primaria sedes est, & si fit cum venereo saltem salacitatem parit,

atrum humorem compescunt, usurpandi sunt, imprimis vero ad uterum ut & universum corpus refrigerandum, humorumque fervorem temperandum, utile est aquæ dulcis balneum, cum foliis lactucis, salicis, nymphaeæ, vitis, portulacæ, umbilici veneris, floribus quoque rosarum rubrarum, violarum &c. Cui fœmina bis de die infideat, sudorem tamen cavere oportet, postquam hoc modo universo corpori prospectum, jam proximæ causæ, uteri scilicet & seminis calori, hujusque acrimoniæ occurrendum, & causa proxima quæ ad venerem stimulat, tollenda.

Hoc autem faciunt primo refrigerantia, ut lactuca, viola, nymphaea, de quo *Dioscorides* scripsit quod contra veneris insomnia bibatur & ea prorsus adimat. Potataque aliquot diebus, genitale infirmit, quod & *Galenus* confirmat.

Salix cujus folia trita, & pota, & sumpta, per se præstant mulieribus ne concipiant, teste *Dioscoride*, sunt & aliæ quæ occulta qualitate, semen extinguunt, ut vitex quæ & si vim calefactoriam habeat, teste *Dioscoride*, tenuis sit substantiæ & acris, secundum *Galenum*, occultam tamen proprietatem habet, ad extinguendum semen & veneream libidinem coercendam; unde & agni casti nomen accepit, cujus & flores & folia & semen id præstant, unde refert *Sennertus* mulieres Athenienses, in Thermophoriis seu sacris cereris, ut castæ essent, lectis folia viticis substernebant; quorum semina & comæ comestæ aut coctæ ac potæ venerem extinguunt, cannabis cujus semen id præstat, & ut *Galenus* de Simplici Med. facienda docet, si præsertim comedatur, feminalem materiam absument.


Camphora quæ plerorumque medicorum testimonio, venereos ardores potentissime extinguit, ac inter reliqua hujus generis medicamenta facile primos obtinet, de ejus temperie ut & facultate venerem extinguendi autores discrepant, alii enim calidam, alii frigidam & quisque experimentis quæ brevitatis causa omittimus, sententiam suam probat; nonnulli quidem istas discrepantes opiniones hoc modo conciliare conantur, dum statuunt in camphora duplicem substantiam, ut in aceto, rhabarbaro, rosis aliisque, unam calidam quæ camphoram penetrantem, acrem, inflammabilem, aliam vero frigidam cujus vi venerem extinguat & inflammationibus oculorum prodest, corallia, cicuta idem quoque præstant, cataplasmata quoque ex mercuriali, & lenticulâ palustri parata, lumbis, & pectori imposita utilia sunt, ut & lamina plumbi in lumbis gestata, pessus in mulieribus ex succo plantaginis, portulacæ, & cucurbitæ; nitum maxime conducit in hoc morbo.

Verum de his medicamentis præcipue iis quæ occulta vi semen & venerem extinguunt, monendum est caute ea usurpanda esse, & non nisi in monialibus, & virginibus quæ certis de causis conjugium inire non possunt, in virginibus vero quæ olim matrimonio se viris conjungere desiderant,

ab iis abstinendum, cum steriles efficiant. Tandem nil tutius arbitrantur autores, quam se se honesto matrimonio, viro strenuissimo, & notæ circa opus fortitudinis, conjungere.

Victus, & regimen, ea esse debent, ut omnia quæ ad veneris appetitum provocant, cautissime vitentur.

F I N I S.



DISPUTATURI

R. R. D. D. PROFESSORES REGII.

D. D. JOANNES-FRANCISCUS IMBERT, *Cancellarius & Judex.*

R. D. PAULUS-IOSEPHUS BARTHEZ, *Cancellarius & Judex.*

R. D. FRANCISCUS DE LAMURE, *Decanus.*

R. D. GABRIEL - FRANCISCUS VENEL.

R. D. CAROLUS LE ROY.

R. D. GASPAR - JOANNES RENÉ.

R. D. ANTONIUS GOUAN.

R. D. FRANCISCUS BROUSSOUNET.

R. D. HENRICUS HAGUENOT, *Decanus, Professor Emeritus.*